

UMS akan wujudkan secara rasmi 'Universiti Mesra'

UB 10.8.2017 B10

UNIVERSITI Malaysia Sabah (UMS) akan mewujudkan 'Universiti Mesra' secara rasmi dengan Wuyi University Jiangmen China (WYU) pada 9 Oktober untuk meneroka kerjasama pertukaran interaksi akademik antarabangsa antara kedua-dua universiti itu.

Presiden Gabungan Persatuan Jiangmen Malaysia Datuk Susan Wong mengemukakan cadangan itu ketika mengadakan kunjungan hormat terhadap Naib Canselor UMS Profesor Dr D Kamarudin D Mudin.

Susan yang juga Presiden Pertubuhan Gabungan Persatuan Guangdong Wilayah Sabah dan Presiden Sze Yip Bersatu Sabah menjelaskan kerjasama antara Jiangmen dan Kota Kinabalu yang kukuh semasa Konvensyen Ke-3 Pemuda Jiangmen Sedunia yang diadakan di Bandaraya Kota Kinabalu pada tahun 2012, di mana Mayor

Bandaraya Kota Kinabalu telah menandatangani memorandum persefahaman 'Bandaraya Mesra' dalam acara itu.

Beliau berkata, pertukaran sektor akademik antara Jiangmen & Kota Kinabalu berpotensi tinggi, yang akan membawa kepada manfaat hasil yang baik untuk kedua-dua pihak.

Susan selaku pengarah Wuyi University Jiangmen China telah mengesahkan bahawa satu rombongan lawatan yang diketuai oleh Canselor WYU Prof Zhang Kun akan tiba di Kota Kinabalu pada 8 Oktober, dan akan mengadakan kunjungan hormat ke UMS pada 9 Oktober untuk menandatangi surat hasrat mewujudkan Universiti Mesra.

D Kamarudin melahirkan penghargaannya kepada Susan yang menunjukkan semangat untuk pembangunan pendidikan tinggi di negeri ini.

Beliau mengalau-alukan



SUSAN(dua dari kiri) mengucapkan tahniah kepada D Kamarudin (dua dari kanan). Turut kelihatan Wong (kiri) dan Ho.

cadangan mengenai penubuhan Universiti Mesra dengan Wuyi University Jiangmen China yang mengintegrasikan dengan pembangunan masa depan UMS untuk meningkatkan kolaborasi dengan universiti

antarabangsa.

D Kamarudin mengucapkan tahniah di atas pelantikan Susan sebagai pengarah Universiti Wuyi dan ia merupakan bukti pengiktirafan dari institusi pendidikan tinggi China

kepada usahawan Sabah.

Susan turut mengucapkan tahniah kepada D Kamarudin dilantik sebagai Naib Canselor UMS yang baharu, dan menyifatkannya sebagai satu penghormatan kepada rakyat Sabah.



DRKamarudin menyaksikan Susan menandatangani buku rekod pelawat.

Turut hadir, Setiausaha Agung Gabungan Persatuan Jiangmen Malaysia dan Gabungan Persatuan Wilayah Guangdong Datuk Wong Yit Ming, Pengarah Pusat Hal Ehwal Antarabangsa UMS Prof Dr Ho Chong Mun dan Penolong Pendaftar Pusat

Hal Ehwal Antarabangsa UMS Mohd Kairuddin.

Wuyi Jiangmen University menduduki tempat ke-10 daripada 60 universiti di Wilayah Guangdong dan berjaya mencapai peringkat tempat ke-16 dalam kalangan universiti di seluruh negara China.